

甲申傳信錄

甲申傳信錄卷之四

彭城錢鼎著

盜餉遺囑

昔盜跖徒卒几千橫行天下侵暴諸侯穴室樞戶駟
人牛馬取人婦女貪得忘親以苦百姓既休卒徒秦
山之陽贈人肝而餉之此非取天下者也而自昔稱
此以為盜餉其後欲以盜盜天下而卒不能成其業
者樊崇也黃巢也崇不自帝而立盆子以剽掠為事
巢之既隔京師入春明宮宮女數千臚拜稱皇王巢

喜乃合田令改策以金帛抵窮人數日復撈掠居人
索財號曰淘物今自成亦然而刑烈于巢其志在于
淘物而已故一時被刑者謂之跽舖刑不盡殺謂
之遺囑所以張其盜而甚其毒也抑仲尼有言曰治
容誨淫嫖誨盜易曰負且乘致寇至盜之招也可
不省諸

李自成以十九日入大內逆閹曹化淳為先驅既入
自成謂曰若背主獻我城罪當斬以汝能識天時饒
死須獻銀五萬方准用化淳如數上之用事如故二

日偽國公權將軍及禮政府奉偽命傳示文武百官
悉到府報名而偽相牛金星言各官俱于次日朝見
朝見後願去者聽敢有抗違逆令者罪之于是爭詣
推府禮政報名甚衆二十一日百官候于午門哺時
聞及牛宋始出列兵衛而坐李闖南面坐牛金星西
面東上坐宋獻策東面西上坐顧君恩左次坐劉宗
敏右次坐金星執符綬紳唱名花點嬉笑嫚罵恩威
不測今日應少遲以軍法從事翰林衛胤文林增志
楊昌祚宋之繩方拱乾劉肇國皆已前剃髮李闖曰

既已被刺又何報名呼吏卒悉拔去餘毛衆皆愕然
于是官用馬兵二人執刃隨之馳往西華門外四牌
樓街勇士馳馬騰若跳羊承行少遲鞭撻而下人人
自以為必死不復生頃之忽傳令云前朝犯官俱送
權將軍劉處分既至劉宗敏方擁妓譟呼飲酒為樂
命兵士各回營守之百官因服毒繫待徨愁困枵腹
疲憊絕不堪忍然幸須臾得緩死矣明日復至劉宗
敏所以次論贖一品累萬以次至七品累千龍即立
搜進之不能即加嚴法一府不可悉容分置偽將軍

田虎制將軍李過而二將轉屬郭李諸部將共加刑
杖桁楊箠楚無所不至又有炮烙火又棚弦之法目
所未見其法悉承于兩將軍而賊黨之夙仇深隙者
以假威以報焉提兵王楬部卒有在賊中者以楬仇
誅殺陳君收而籍其家若此類事多有而嚴衛著姓
津要椎脊及大姓富賈平民多就擒縛掠殆盡薪
米皆入軍城中餓死者甚衆然其名士皆不足數而
朝士衆多不可編紀今取世臣公輔及詞臣部臺之
最著者誌其略言初自成之命權將軍曰罪者殺之

貪鄙多贖者刑之而諸將多擄及無辜此士衆有怨
者自成謂諸將曰何不助孤作好皇帝制將軍曰
皇帝之推歸汝擄掠之威歸我毋煩言也嗚呼由自
成之言推之則刑不下庶人矣吁

元勳世爵

成國公朱純臣督守正陽門十八日三鼓

上既命中宮自縊而手承袁妃公主遂召提督京城內
外王承恩至前語良久因手書硃諭傳內閣命純臣
總督內外諸軍囑以東宮且命盡放獄囚比至閣中

輔臣魏藻德等已出遂置案上而反傳旨復入宮已
不知

上所正所諭亦不果行而東宮及成國皆不之知聞既
入得硃諭于文淵閣案上既收繫紙臣于劉宗敏家
二十二日申刻特命殺之先是成國總戎以差謁

孝林同林宗伯南使遂以李襄城代之及使還止充
班首然以同姓位重故有郭天之作及顧命焉

是國公徐允禎守德勝門賊至以門降四月十二日
自戕將東出凡元勳世爵悉戮之

襄城伯李國禎三月初四日

上命督練營兵守門國禎日坐西直門城上惟監軍太
監王相堯領營兵兵無大帥亦無實籍賊至遂潰十
九日城既陷國禎就擒自成既入呵國禎曰汝受天
子重任寵信逾于百僚義不可負國恩不能堅守又
不死節醜然就縛意將何求國禎氣沮無以應自成
大罵悞國賊欲求生乎叱送推將軍府追賊數日痛
加刑杖殘剥而斃其妻亦為賊將所掠褫盡底衣抱
之馬上大呼曰此襄城伯夫人也復大笑勲臣婦女

被掠死者多有無辱甚于此者

臣惟國禎之被寵也始說

先皇以強兵足餉及賊將犯關

上召國禎問曰卿平日言兵強足餉今日奚若國禎應聲對曰臣兵未嘗不強

皇上無餉耳

上嘿然久之及外城陷關臣奔告云

皇上蚤為脫計奴輩不能顧主矣

上曰大營兵何在李襄城練兵何在對曰

皇爺安得有兵營兵蚤散孰能為闔以革勸

皇爺走耳嗚呼國禎所重者營兵也餉既不足歲費朝廷數十萬以虛名國寵每逢召對他大臣多跪奏國禎獨旁立語睨視

上幾無人臣禮及寇至盡潰無一戰士其為誤國可勝慘哉且愚

上以營兵有司不得擅加刑禁陰縱兵為盜夫誅人軍師敗即死之國禎既不能死後求苟活而卒被刑戮好市者妄飾美談被之忠節以快聽聞何其詘

也陳濟生再生記曰為賊所逼作詩數首大哭

先帝靈前服藥而死無名氏燕都日記亦言國禎二十一日入見自成以頭觸階爭三大事賊盡從之後

送

先帝陵畢遂自縊死覽者遂曰何其從容也此皆夢中語耳余四月入都亦聞此言心甚黯之嘆曰是能以晚蓋者矣逮五月遷都城都民去襄城第甚近有言之最詳與前所聞大異久而襄城誤國之論盈輿人口矣駙馬都尉冉興讓子五君者國禎之

中庸也予詢之亦云而都城君子都有書國禎為
萊子奴儕者又客從舊都御史吳邦臣家扶此忽
先帝降壇曰朕誤用人以至于此辭皆悲惋不勝夫
上所信者溫體仁也周延儒也陳演也魏藻德也李國
禎也嗚呼臣敢以圖

先帝在天之靈哉

英國公張世澤故國公張惟賢子也當

熹廟駕崩奸璫逆謀惟賢挺身搜宮云

先帝有佐命勲卒未幾而世澤為賊勦鍊與其夫人共

被刑掠而死恩其德澤仁者傷之

揭武侯薛濂夫性暴厲好撻掠平民掠財善事權要惡下上聞賊進其縣被掠最酷而死聞者稱快初濂拷掠數日藥已竭矣不緣再掠謊言藏金在宅須自發之賊令一人昇往其宅已為賊將佔久諸物盡為賊有受賊怒甚問藏何處當代發之濂不能對昇還越二日而死

餘惠臣如毛定西輩率多類此其不死于刑掠者

四月十二日皆殺

外戚

太康伯張國紀字憲臺河南祥符人被執自縊死籍沒無遺

都督周鑑嘉定伯奎之子素有羸疾被掠而死弟鉉亦被掠奎姪錫削髮而遁復見獲奎養姪鐸年十九體肥偉受掠獨甚先是三月十日

上以餉匱遣司禮監太監徐木正加大康伯張國紀嘉定伯周奎候爵隨宣詔來皆取餉以為國老休戚所關宜為首倡自十萬至于五萬即隨力輸之以備緩

急本正先至奎所奎謝言老臣安得多金徐泣諭再
三其辭益堅艱然起曰老皇親如此而吾朝廷萬難
措手大事必不可為矣即廣著多產後來何益奎乃
自具一疏劾錫二千兩至是賊繫奎而去籍其家得
現銀五十三萬段正以車載者相属于道諸所充積
盡搜無遺猶慮諸子私殖不免于刑悔不從徐司禮
之言而已晚矣

博平侯郭振明追銀被掠而死振明于戚臣中頗稱
賢而好義虛躬下士二月初猶募宿儒于五城設教

令民間子弟負笈就學使貧者不以脯修自用一時
賢之而無補于時惜哉

駙馬都尉冉興讓 都督李國柱 東宮侍衛周鏡
俱拷掠追贖幾盡而死

餘燕戚多被掠籍沒無遺者未詳爵里不能盡載
而馮夢龍紳志略附英國公清平伯楊武侯永寧
伯博平侯李郁督于死難者誤也不知清平伯吳
遵周新建伯王先通皆戮以祭旗英國以下皆刑
掠而永寧伯王長錫則被戮也

輔臣

大學士陳演字贊皇四川井研人三月初罷相以冠
偏位都復多藏不能驟行冠既薄城下演留滯外城
城既隔二十日遂同蘇德繫劉宗敏宅中廿七日索
餉遂舉皮箱親送宗敏家凡四萬兩宗敏喜其慷慨
不加拷掠仍繫之其僕或告賊言地下有銀數萬極
之果如僕言又言珠寶最多復搜黃金三百六十兩
珍珠成斛十二日自成東出遂命斬之

演于陽羨罷後極為

先帝所任一時臺省有文譽者初拜陽羨門下及演周
事復盡趨演門予癸未入都微聞負寵私語臺臣
曰人謂非所不廉余何答曰曾是此相而猶謂不
廉乎噫觸邪之位鐵柱之臣而公論如此此明之
所以火天下也

大學士魏藻德字師令順天通州人康熙進士廷試
後應召對自陳代宣為舉人時守通州巧遂賜狀元
及第尋以謫兵見拔遂加少詹兼東閣大學士即主
癸未會試自藻德入相無一建明而為

上所重信甲申三月三日加本兵銜往天津調兵不果
自成既入二十日午刻同陳井研留閔劉宗敏第小
室中藻德自憲陳語人如欲用我不拘如何皆可鎖
閔此房作何解二十一日同立方二相發營中羈守
之尋加拷掠吐金銀以萬計四月朔宗敏夾訊藻德
曰若居首輔何以致亂藻德曰本是書生不諳政事
兼

先帝無道遂至於此宗敏怒曰汝以書生擢狀元不三
年為首輔崇禎有何負汝詎為無道呼左右掌其嘴

數十仍夾不放藻德謂用事王旗鼓曰願將軍救我

我有一女年少甫十七且美願奉將軍為箕帚妻王

旗鼓卻而蹴之唾罵不絕

或言魏寶無女何忍蹴汚至是然此係王旗鼓自與

言漢沈氏言之沈氏面

齒加榜掠凡六晝夜夾睨

至裂而斃復逮其子訊之將以家實無銀若父在猶

可從門生故舊借置今父已死何處可得賊揮刀斬

之

大學士丘瓚字鞠懷湖廣宜城人乙丑進士由少宰

入閣未幾而有國變再加拷掠搜進二千金四月十

二日縊死

大學士方岳貢字禹修湖廣穀城人壬戌進士初為
松江郡守有廉能聲帶罪徵逮至十三載無級可晉
徵下獄朝士爭誦其清廉驟加副都御史旋拜相時
事孔棘諸大臣皆無所見長岳貢亦躊躇而已賊入
以都御史為相必富拷掠殆甚悉索寓所僅千餘兩
賊不信其貧拷掠如故故松江賈人什納千金仍繫
監卒不釋四月十二日閹命斬舊輔陳演及燕戚徐
允禎等丘方所繫主將俱命監押者斬之監押者告

宜城殺城云主將之意如此吾輩何敢無狀因以縲
具進二相各自縊殺城卒時嘆曰何不早死社稷

翰林

少拱乳字坦庵南直桐城人成化進士官左諭德掌
司經局印闕城陷尚卧床上引刀割髮未半為家人
扼住而止尋削髮報名見報以美姬賂賊將羅不加
拷掠同年何瑞徵門生楊廷鑑力薦可為宰相四月
十日夜半偽戶政張麟熱乘騎至拱輒寓深談久之
云不日大用老先生勿過慮也熱卒未及因而遁

張維機字晦中福建晉江人乙丑進士官爲下府正
詹其僕同繫共掠至再一僕不堪奪刀自刎死維機
至夾改臘入贖四月八日始釋

胡世安字菊潭四川井研人戊辰進士官少詹兼侍
讀學士拷掠至三追銀一千五百兩釋後削髮

孫從慶字大器北直清苑人戊辰進士官大司成拷
掠至四追銀以萬計死于家

李明睿字太虛江西南昌人壬戌進士官左諭德冠

急請

上南還不從城隅被掠四月八日始釋

楊士聰字鳧岫山東濟寧人辛未進士官諭德被執以賊卒王敦武食其先公之德刀護不加刑入贖數百金始釋

衛胤文陝西韓成人辛未進士官諭德

楊昌祚直隸宣城人甲戌進士官奉坊

林增志浙江瑞安人戊辰進士官修撰

宋之繩南直溧陽人癸未擢眼官編修

石山人皆已削髮報名見執胤文昌祚皆拷掠至

三增志闕四傷足之絕以楊廷鑑固鍾力言于王旗
鼓得免

李士淳廣東程鄉人成化進士官編修入職不加刑
而釋

張端山東掖縣人癸未歲吉士以世官被掠

端伯子也

萬發祥江西新喻人癸未歲吉士一時廢常除張端
外鮮被執者發祥獨詐為解狀見執被掠

六部

李遇知四川人陝西洋縣籍成化進士官吏部尚書

入贓四萬六千兩夾死

沈維炳湖廣孝感人丙辰進士官吏部左侍郎被索
不拷掠初八日釋

雷躍龍應天上元人已未進士官吏部右侍郎兼輪
林院侍讀學士被執不拷掠與惟炳同釋

吳履中南直金壇人乙丑進士官大理寺丞二月特

除戶部侍郎著尚書事被執拷掠追進黃金八十兩
銀六百兩復受夾四月八日履中進揭哀懇署銜云
原任大理寺丞陞戶部侍郎到任十七日吳履中是

月逐釋

所記四月初八日釋者藏楊龜山核真略出其目
學

王鰲永山東淄州人乙丑進士官戶部侍郎拷掠逆
賊釋後留用未及除授賊旋遁居民守街巷搜斬餘
賊數百

王正志北直靜海人戊辰進士官戶部侍郎父子俱
被拷掠後釋

楊汝成南直華亭人乙丑進士官禮部侍郎兼翰林

院侍讀學士被執納贖如數四月初八日始釋不受
吏不受職

國變錄云以古王杯金壺托周鍾秀送王旗鼓仍
授職誤也初有所賂求免刑掠王旗鼓欲爲授職
以衰老爲辭

張縉彥河南新鄭人年未進士官兵部尚書闖破寧
武縉彥上疏請帶學士銜調通方唐大猷等守居庸
關惟以兵少爲幸縉彥嘗扈戶部故懼在縉餉也

上不聽縉彥居本兵時保撫遇變逾半月賊且未至絕

無一卒謀至真定殊為疎謬十九日自成既入下令
各官以二十一日朝見至日承天門開衆皆露坐以
待旁午太監王德化自中左門入左右從者十餘人
見縉彥語曰老先生尚在此耶明朝都是你與魏閣
下壞了。遂呼從人掌其面而去。晉彥語塞垂涕而已
尋見教入牕而釋

金之俊南直吳江人己未進士官兵部侍郎繫賊卒
沈姓處貸段鋪紬絹五百疋銀一百兩納之被掠至
賄卒黨王敦武力勸解止初八日釋

張伯鯨南直泰州人丙辰進士官兵部右侍郎拷掠後潛遁南旋之臣惟伯鯨最早

張忻山東掖縣人乙丑進士官刑部尚書被執賊先拷掠其妻及子竊入銀一萬兩忻遂獲赦不被掠却晉山東栖霞人戊辰進士官刑部侍郎被執輸銀五千兩不受夾而釋

張鳳翔山東堂邑人辛丑進士官工部尚書被置入贓不加刑掠初八日釋

陳必謙南直常熟人癸未進士官工部侍郎受掠重

劉同繫者轉展愁嘆必譙枕一石塊新寢如常賊既
遁逃歸道遇土寇復被創抵家數日而卒

沈自彰順天人辛未進士以太常丞罷官癸未冬特
旨以原官官吏部文選司郎中事一時重其清介賊
執之搜進金甌人參值以千計尋釋之

吳肇昌江西南昌人康熙進士官吏部驗封司郎中
以削髮見獲尋令蓄髮候用或云與宋獻策有舊也
徐有聲庚辰特用官戶部郎中拷掠後殺死

蕭時豐廣東澄海人丁丑進士官戶部山西司主事

劉獻績順天大興人丁丑進士官戶部山西司主事
朱芾煌湖廣皇崗人甲戌進士官兵部郎中

張正聲福建惠安人甲戌進士官兵部職方司郎中
李向中湖廣鍾祥人庚辰進士官兵部職方司郎中
石五人俱被掠

陳鵬舉湖廣麻城人丁丑舉人官刑部員外不報名
被執令跪不屈椎擊亂下幾斃僕人跪泣願以身代
賊義而釋之

蘇一心四川富順人庚午舉人官工部郎中被掠

王鍾考直隸華亭人丁卯舉人官工部虞衡司主事
拷掠二次

趙士錦南直常熟人丁丑進士官工部主事被索不
加拷掠初八日與吳之瑞同釋後皆伺隙而遁

中濟等南直長洲人官生工部主事不報名為東城
賊將所繫賊以相國後必富重掠折足後既釋衆因
尚留數人濟芳與焉各與一繩令自縊仍許以櫬歸
屍發會同銷入櫬時賊卒于死者概加五棍濟芳至
館家人被櫬改殮喉間喻熱微動灌之有氣乃復甦

濟芳言受棍時全不覺惟第五棍似有稍物及身耳

鄉寺

趙京仕陝西涇州人壬戌進士官通政司左叅議被
掠初八日釋

王都南直金壇人壬戌進士官太常寺卿初八日釋
夾肘至家即死先是賊^抄都方對客飲酒客曰奈何
都曰天塌自有長人頂

林蘭友福建仙遊人辛未進士官光祿寺良醞署丞
拷掠二次

科臣

李永茂河南鄧州人丁丑進士官兵科給事中

曾應遴江西寧都人甲戌進士官兵科給事中甲申降調被夾

錢增南直太倉人辛未進士官戶科給事中拷掠二次

顧鏞四川成都人丁丑進士官兵科給事中拷掠追銀僕從長班竊資而逃父繫未釋鏞因自刎喉未斷不死四月二十六日賊衆將適押者索銀十兩鏞無

以應即斃之

臺

馮垣登江西新昌人順辰進士官浙江道御史同錦衣二人皆以剃髮違愆賊夾之中路三日並死焉吳印臣浙江山陰人錦衣衛籍順辰進士官山西道御史入獄不夾釋

俞志虞浙江新昌人甲戌進士官貴州道御史賊急奏太子宜監國南京

上不聽城陷就縊家人急解之而羅卒特至繫之索銀

傅受嚴刑初八日始釋至家憤病而卒

丁時學浙江山陰人保舉官戶部貴州司主事進銀
十三萬免死

鄭楚勲福建莆田人甲子舉人官雲南道御史拷掠
追銀而死

張鳴駿福建龍溪人康熙進士官御史被掠

陳純德湖南零陵人順治進士官提督順天學政御
史二月出巡保定三月初八日擢考選京城被執死
于嚴刑

黃熙胤福建莆田人丁丑進士官御史被夾

曹溶浙江平湖人丁丑進士以河南道御史掌職甲
申三月浙直總督張國維題授浙直監軍御史未行
被獲重掠悉索貨物納二百兩賊志未厭再加嚴刑
傷足昇出又納五十兩發王旗鼓再拷王為山石諸
生背讀溶文詢知為溶釋之數日後文諭院楊枝起
招之授職足創不能行又數日聞道客勸其倡守都
城以待太子而遇于清

何肇元南直武舉人舉人官御史被夾二次

中行博士

呂兆龍南直金壇人庚辰進士官中書闕入投水不
死賊執繫之初八日始釋或勸龍授職龍曰吾輩名
教節義自待何忍為此遂遁

陳翔福建長樂人癸未進士官中書削髮被獲拷掠
二次

朱國詒吳之瑞俱誥勅房中書被掠甚酷

郝傑順天霸州人丁丑進士官行人削髮見獲拷掠
二次

謝子宣浙江鄞縣人癸未進士官行人亦以削髮見
獲于宣獨觸怒拷掠至三而死

劉中藻福建福安人庚辰進士官行人以抗言願自
回籍觸怒拷掠最酷

張元輔山西孝義人丁丑進士官行人被掠

龔懋德四川江津人庚辰進士官太常博士酷加拷
掠

錦衣

掌鎮撫司梁清宏順天人被夾累日四月初八日放

遷逐死

錦衣大堂駱養性先輸三萬兩免夾

府屬

劉有淵北直南宮人庚辰進士順天府推官不堪拷掠引銀簪自刺其喉而死

沈浣先南直蘇州人癸酉舉人授武學教授拷掠傷足追銀三百餘兩稱貸于蘇州商店以足而後釋

彙記

張昌齡北直寧晉人己未進士官文選郎草職起用

被掠二次

李逢申南直青浦人己未進士由工部主事除大名知府拷掠追銀碎脛而死

曹惟才浙江會稽人辛未進士興化府推官考選入京拷掠二次

蔡國光福建同安人甲戌進士補鉅鹿知縣在京被掠二次

周之茂湖廣麻城人甲戌進士候補命未下賊搜出使跪不屈挺擊折臂死

李世祺南直青浦人壬戌進士官刑科給事中被災
其爵里未詳者為李天桂宋之顯黃紀俱被災吳
伯宗范方張泰徵皆拷掠二次而南宮丁丑進士
李起龍獨以風免

宦官

王之心舊司禮監掌印太監順天人二月二十二日
廷議助餉之心閑住已久衆言之心富順家藏現銀
三十萬

上即日召諭之令捐助之心以連年家計消乏為辭次

日獻銀一萬兩自成入繫之追掠搜銀十五萬餘金
銀什器段疋無算以未合現銀三十萬之數拷掠至
死

他書有載之心自殉者故特詳其實附志于此至
有言殉難王之俊者蓋謬之俊于甲申冬同曹化
淳共誣太子偽者丁亥四月猶乘馬輕肥人皆見
之傳說之偽如此

嗚呼鉅寇刑僇不足以辱簡編之末顧百掠死而
或被之忠節標為殉難亦有重俘而誣為臣闖加

以惡名至或保身自全或不屋致斃其間功罪之
不同固天地懸絕也用是考詢至詳凡易七稿而
後訂為此篇覽者或以知交私誼將加掩護則非
余所知

甲申傳信錄卷之五

彭城錢鼎 著

槐園衣冠

諸薦紳先生見用于閭者或馮官闈或馮儀采非盡出于德望才猷而皆以牛金星目瞞之力為衡當意者錄不當意者去錄者赴吏政不錄者率驅偽將軍拷掠然有行賄至多而不被刑杖者猶有重遭戕辱復向吏政乞官者其時或賄或請沛然然于明季之風焉然其初令本言同籍者聽而非用即刑無有能

脫者矣故一時星入仕籍者非必願仕之臣其不入
仕籍者亦非盡不願仕之臣也當是時乙丑進士有
志仕闕未授銜職小帽青衣額加黃紙順字者辛未
進士向吏政黃緣收熟告人曰明日此時便非凡人
人或綴成不凡人傳者而既入仕籍諸臣或觀明且
復興潛欲自遁亦往而有也總之賢不肖不同而
推其至隱則幸有亦有不幸焉古之人不幸而蒙垢
朝廷者有矣或鉅儒名學而臣蔡逆之庭或哲智家
才而入元亮之幕豈皆不知進退者哉由此觀之殺

身易而就義難殆非虛語也然則甲申之難請爲紳
先生之見擢于旬月間者予安能隱之第虛生如鄭
之枕弓公逆旅之炊一世之榮盡于俄頃若淳于棼
醉入槐國而身為郡守者何以異哉故志之曰槐國
衣冠傷其時異之無多而又以悲夫境遇之無恒也
莊子曰君乎牧乎國哉丘也與汝皆夢也予謂汝夢
亦夢也然哉

李閻既入五日設偽官改印曰符券契章凡四等令
職方司收繳前印悉更鑄之更定官名六部曰六政

府內閣曰天祐殿翰林曰弘文院文選司曰文諭院
巡撫曰節度使兵備曰防禦使六科曰諫議御史曰
直指使太僕曰驗馬寺尚寶司曰尚璽通政司曰知
政使布政曰統會知府曰尹知州曰牧知縣曰令主
事曰從事中書曰書寫房正總兵曰推副總兵曰制
五軍府曰五軍部守備曰守撫把提曰守旗餘皆如
故官服領尚方以雲為綴一品一雲至九雲為九品
凡所更制皆為相牛金星所定也三月二十一日文
武官條入朝者三千餘人牛金星教薦繙點名不用

省發惟將軍制將軍處分用者送吏政府既授職止
給小票向禮政府領契刻期赴任外選者限到任三
月後未取家眷諸臣或請即携家赴任曰俟赴任一
兩年做得好官來迎未晚于是往。有婢妾賄偽將
妻子留質不身出城者每官又數兵押之行行李之
費戶政各照級給銀有差不足者自備率然願赴依
然有借為脫計因而南反者一時除授最夥不能徧
紀。見聞最著者彙其偽定爵氏及其原職略于左
方

內閣

天祐殿大學士牛金星河南寶豐人乙卯舉人

弘文院

弘文院掌院學士教習庶吉士何瑞徵河南信陽人
戊辰進士官少詹侍讀學士瑞徵至院凡衙門匾額
有先朝年號者悉去之

弘文院大學士黎志陞湖廣華容人甲戌進士官山
西提學僉事三月廿五日入閣主試出題莊中國而
撫四夷也所取者授科道防禦尹牧等官

修撰韓四維河南高縣人辛未進士官諭德
編修劉世芳陝西眉縣人庚辰進士官簡討三月廿
一日即以給事中高翔漢為都直指使世芳為編修
仍候大拜二人皆陝人也

編修高爾儼北直靜海人庚辰榜眼官編修

編修楊廷鑑南直武進人癸未狀元官修撰

編修陳名夏南直溧陽人癸未探花修撰兼戶兵科
都給事中

簡討周鍾南直金壇人癸未庶吉士顧君恩特荐之

金星金星首用之次日即至牛所進門生帖撰登極
詔嘗云江南不難平也或語鍾以國殘殺太甚萬難
成事鍾云太祖初起亦然

簡討朱積南直隸寧人癸未廢吉士

廢吉士史可程河南祥符人錦衣衛舊閹部史可法
之弟二十四日召見挾令作書招可法

梁清標北直真定人黃嶧湖廣夷陵人曾鼎浙江山
陰人李化麟陝西韓城人劉餘謨南直懷寧人李星
祥山東霑化人史垂譽江西豐城人呂崇烈山西安

邑人龔鼎雲南係山人

張家玉廣東東莞人為長班報名被執家玉上書于
闕曰前明朝翰林院庶吉士今請賓歸順張家玉謹
百拜稱賀于大順皇帝陛下陳情左右君玉既定鼎
于天下必以尊賢敬德為基是故不沒人之忠者所
以有忠臣不沒人之孝者所以有孝子家玉得君未
及一年有親尚有曰老君王處此當賓禮之而不臣
且比例子哥處士陶旌列其門曰明翰林院庶吉士
張先生之廬庶不傷人臣子之心不辜爾蒼生之望

不熱臨以刀鋸設以鼎俎家王者形影相笑從容而
樂蹈之耿耿此心誓無後悔又上書曰前明朝翰林
院庶吉士今請賓歸順張家玉謹百拜陳情于大順
皇帝陛下忠臣義士于明為多勸義獎忠于順為盛
是故如范景文周鳳翔等當亟為明隆禮之而匪但
為明卹贈之劉宗周黃道周等當亟為明隆禮之又
如史可程魏學濂等當亟為明尊養之而匪但為明
尊養之何則明孝著而順人知有父也明忠著而順
人知有君也至若家王殷人從周顧學孔子但區區

賓禮而乞繫之以明者蓋不特見君王之高實欲遂
君王之大也當此多才多士尚在危疑驚懼之時莫
若將家玉旌而別之刻其書以布之心方得一仁人
以收拾天下人心勝精兵十萬可知也如其不允所
請決不墮泥塗為班超若歸鄉里為父母慘誓殺身
為牲少備天子大享上帝刀鋸鼎俎諒非負氣守節
者所隱忍而規避也榮之辱之惟命生之死之惟命
書上聞見之家玉見闕長揖不跪闕怒縛于門外欲
剗之顏色不變卒操刀問曰降否家玉曰不降至三

日闔復逮入囑曰當凌遜汝家王不為動又言當凌
刷汝父母家王乃跪遂釋時家王父母遠在東粵凌
刷非可驟及不知家王何以遽出于此後四月十八
日潛遁而歸

石葵未廢吉士俱授原官皆留閩獨何九雲以年
老未授職

韓貞同陝西韓城人甲戌進士官陝西道御史

裴希度山西太原人甲戌進士官陝西道御史並改
授庶吉士限俱以四月初四日到任掌院何瑞徵移

家院署乃修故事令廢常各輸銀送錦衣衛辦布請
牛金星至署到任

待詔張國泰北直新城人癸酉舉人官待詔

吏政府

吏政府尚書宋金印字泗州陝西乾州人戊辰進士
原任吏部稽勲司員外同稽

文諭院郎中顧君恩湖廣鍾祥縣拔貢

文諭院掌選楊枝起南直金山衛人甲戌進士官戶
科給事中繫獄三月十一日自成召見所授獄五品

以下官張若麟龔鼎彝曹欽程及枚起等並授職獨
三品以上不召故侯恂亦未召見後數日傳以侍郎
官恂不受因以大拜要之許俟束征歸如約既而
敗回不果恂亦潛遁

考功司郎中郭萬象陝西高陵人甲戌進士原官用
驗封司郎中熊文舉江西新建人辛未進士原官用
稽勲司郎中侯佐山西解州人甲戌進士原官用
吏政府司務兼澍江西豐城人丁卯舉人官禮部司
務

戶政府

戶政府左侍郎官尚書事楊王休北直鹽山人庫午
舉人官陝西潼關兵備道闖入潼關首降

戶政府行侍郎楊建烈

戶政府行侍郎張嶠然浙江烏程人庫辰進士官山
西平陽知府府闖入晉地首降

戶政府從事介松年山西解州人辛未進士原任戶
部主事李督師荐除戶科給事中于保定降賊三月
十一日入城授職

從事劉慶著北直滄州人成化進士官刑部主事

從事吳文幟浙江籍南直休寧人成化特用官刑部

主事

從事方廷祚浙江德清人官生戶部主事

從事繆沅浙江錢塘人丁丑進士官工部主事

戶政府司務魏學濂浙江嘉善人癸未庶吉士四月

二十九日闕適作絕命詞自縊其詞曰忠孝千古事

于我只家風一死輕鴻毛臨難須從容有血灑微軀

官卑非侍中有舌且存之并遜常山公因約同志友

延頸受霜鋒不能張空拳與彼爭雌雄不能奉龍種
再造成奇功死且有餘罪何敢言升來所痛母蚤白
七十仍尸瘞未瘳凡五喪留與子姪封人生誰有年
壽歿死所同我此兄與弟我年為獨豐高堂無復悲
譬不生阿儂誰母却就父生死猶西東骸骨雖不歸
即瘞此詩筒墓木有拱時清韻入楸松

禮政府

禮政府行侍郎詹尚書事羣情陝西真定人辛未進
士原官河南提學僉事

禮政府右侍郎兼弘文院侍讀學士楊觀光山東招
遠人戊辰進士官少詹事坊事兼翰林院侍讀以理
學名家為閩所重初授兵政侍讀後改禮政三月二
十四日召對語不傳四月初十日又召至文華殿問
郊天何以不茹葷飲酒不近女色不行刑亦有說乎
觀光頓首天人一氣所感不茹葷飲酒欲其心志清
明不近女色欲其呼吸靈爽不行刑欲養天地慈和
之氣以感上穹闕稱善且曰先生以後可嘗進來講
因留坐飲茶辭出送至簾下咨拱而別自後登極儀

注皆觀光習之及聞道觀光挈家隨至鳳臺為賦衆
所殺體無完膚家屬委頓而返

儀制司從事劉大羣江西人甲戌進士官員外

祠祭司郎中李森先山東平度人庫辰進士官博士

祠祭司從事吳之琦福建晉江人丁丑進士官禮部

主事

精膳司從事許作梅河南新鄉人庫辰進士官行人

禮政府從事吳泰來江西新昌人辛未進士官禮部
員先被執尋釋授職

禮政司務孫節雲南籍武進人丙子舉人官吏部司
務

兵政府

兵政府行侍郎常尚書事喻上澈湖廣石首人辛未
進士原任御史

兵政府侍郎梁兆陽廣東番禺人戊辰進士官簡討
加陞一級三月二十日首倡助餉與同志求仕者各
寫五千金托宋企郊投揭二十三日召見文華殿叩
頭云先帝無甚失德只以剛愎自用故群臣血脉不

通以致萬民塗炭災害並至闕云朕只為幾個百姓
故起義兵兆陽又叩頭云陛下救民水火自秦入晉
歷代抵都兵不血刃百姓皆單食壺漿以迎真神武
不殺直可比隆唐虞湯武不足道也臣遭逢聖主敢
不精白一心以答知遇殊恩聞大喜留坐飲茶辭甚
款曲禮之甚恭兆陽出以遇門生貢士伍世魁遂傳
甚詳

職方司郎中傅金星河南登封人丁丑進士官御史
職方司從事于重華山東青城人由職方副郎以選

才陞陽和道閩至陽和重華出城十里迎降隨闕入
京授職

車駕司從事吳劉恩南直武進人癸未進士官光祿
署丞

兵政從事諸同春浙江餘姚人丁丑進士官工部員
外

從事江永詔南直寧國人辛未進士官湖廣巡按御
史

從事王自超浙江會稽人癸未廢吉士

兵政府攢漕從事方允昌浙江諸暨人甲戌進士官
部兵主事

從事呂弼周山東鄒平人戊辰進士官河南驛傳道
僉事

從事金汝礪浙江仁和人甲戌進士官工科給事中
兵政司務趙閑心湖廣長沙人甲戌進士官

刑政府

刑政府侍郎管尚書事安興民丁卯舉人

刑政府行侍郎陸之祺浙江平湖人己未進士官陝

西布政闕入潼關首降

刑政從事李登雲丙子舉人

從事傅鼎銓江西臨川人庠辰進士官翰林檢討

己丑金聲垣之役鼎銓同楊重熙起兵鼎銓戰敗
被^獲要撫臣下之獄命招楊重熙等不可乃衣冠出
就戮神色不變獄中有詩數十首

刑政司務董獻廷

工政府

工政府行侍郎管尚書事李振聲陝西米脂人甲戌

進士官廣西道御史壬午巡按湖廣

工政從事金震生湖廣江陵人官生

從事王奇才

工政司務賀父劬湖廣萊城人成化舉人官戶部主事

直指使

都直指使高翔漢陝西寶雞人甲子舉人官工科給事中三月二十一日即授

直指使除弘治西南昌人辛未進士原官貴州道

御史

龔鼎華南直合肥人甲戌進士官三科給事中

柳寅東四川梓潼人辛未進士官順天按察司

通州

趙頰河南項城人癸未庶吉士為牛金星同年

蔡鵬霄福建晉江人戊辰進士官四川道御史

陳羽白福建南靖人庚辰進士官廣東道御史

張懋爵山西汾陽人辛未進士官陝西道御史

朱朗錄宗室舉人原官御史

知政使

知政使王學先壬午舉人

知政叅議王任杞順天壬午舉人寇急以探親往宣
府中路遇聞遂投之即隨入京授職

大理寺

大理寺卿劉大猷江西

人甲戌進士官禮部郎

中十九日即用

六諫議

吏諫議申芝芳南直嘉定人辛未進士官禮科給

事中

禮諫議朱徽江西進賢人辛未進士原官刑科給事中

兵諫議光時亨南直桐城人甲戌進士原官兵科給事中巡視東直門首降十九日聞即召見面加獎諭以原官視事時亨寄書其子有云諸葛兄弟分仕三國伍員父子亦事兩朝我已受恩大順汝等可改姓走遁仍當勦力詩書以無負南朝科第

刑諫議翁元益直隸上海人甲戌進士原官刑科給

事中

工諫議戴明說北直滄州人甲戌進士原官禮科給事中

諫議彭瑄四川永州人甲戌進士原官工科給事中
癸未督催湖廣漕程

諫議金煉色陝西南鄭人壬戌進士原官吏部文選司員外

太常寺

太常寺卿吳家周南直歙縣人乙丑進士官尚寶司

卿見牛金星云南方人脆弱願乞納餉銀數十萬免
其刑掠金星云如果乞得即與上疏但子係非小家
閥遂巡而退

太常寺少卿劉昌河南祥符人乙丑進士原官戶科
都給事中

太常寺丞項煜南直吳縣人乙丑進士原官詹事府
少詹兼翰林院侍讀學士門生黎志隆力荐可為宰
相煜即昌言于衆曰大丈夫名節既不全當立蓋世
功名如管仲魏徵及授太常氣沮奉偽命祀泰山馳

驛潛遁

驗馬寺

驗馬寺鄉宋學顯南直長洲人戊辰進士官通政司
右叅議諸臣勸進日闕遜謝曰伊同豈不能為湯武
其不為湯武者伊同之所以傳也學顯曰看書到此
地位豈非天授

驗馬寺丞賀王盛

光祿寺

光祿寺鄉李元鼎江西吉水人壬戌進士原官太常

寺丞

鴻臚寺

鴻臚寺卿張魯

尚書司

尚書司卿葉初春江西湖口人戊辰進士原官太僕

寺卿

國子監

國子監正堂薛所蘊河南孟縣人戊辰進士原任國
子監司業授職蒞事號台監生今多作文字以待李

閩幸學

國子監左堂錢位坤南直長洲人辛未進士原官大理寺寺正時李闕新制改國子監為三堂以司業為正學錄為左博士為右云

順天府

順天府尹王則堯山西翼城人康熙進士除山東布政司叅議三月二十二日先授偽職到任四月初一日考試生員題曰天與之若大旱之望雲霓也次日

登案

節度使

順天節度使宋權河南商丘人乙丑進士原官順天
巡撫闖入椎首進降表即與原職

山西太原節度使韓文鉉陝西咸寧人甲戌進士李
闖西遁踰潞還陝委以晉事與偽權將軍陳永福守
太原拒清兵甚力城陷而死

陝西寧夏節度使陳之龍江西舉人原官監軍道初
李闖父死母改適一軍士謁赴寧夏軍士又死遂流
寓其地與數少年通時提篋往來軍民家鬻衣物或

男女有私欲者為牽合焉及闖僭號人或以母言其
生卒及里居小字相別歲月並符語頗聞于節度使
之寵遂密疏其事改館陰勝之而所為數少年者居
然享嫖毒之奉數月間不案驗章亦不下至今寧憂
人傳為永昌皇太后云

防禦使

密雲防禦使左懋泰山東萊陽人甲戌進士原官文
選司員外闖入報名被夾輸餉萬兩釋送吏政府循
審辨呼名授職出儀門乘馬自鳴得意

永平防禦使李至著山西曲沃人丁丑進士官行人
山海防禦使張若麟山東膠州人辛未進士官任兵
部職方司郎中三月二十一日自成召對獄中救出
各罪官若麟自稱寧錦督戰之功且天下壞于黨人
者數十年于是授山海防禦使

臨清防禦使楊樓鵲陝西西鄉人癸未庶吉士

天津防禦使王皇極山西立午舉人

揚州防禦使周壽明湖廣蘄水人丁丑進士官任北

直山周知縣

徐淮防禦使武懷陝西涇陽人癸未進士

安慶防禦使李際期河南衛輝人庚辰進士服闋進
京應補中書二月二十五日為選君所厄怒甚闖入
通其姻婭遂授職

青州防禦使王道成山西平陽人癸未進士城陷即
降首授是職四月十九日道成單騎至州州中人皆
請命相視不敢動云

順慶防禦使孫承澤順天大興人辛未進士原官刑
科都給事中

夔州防禦使劉明侯山東恩縣人丁未進士三月二十八日派職一千即完遂釋四月二日選授偽職

四川防禦使任濬辛未進士前豫楚總督

防禦使蘇京山東安東人丁丑進士原任河南巡按

御史同任濬劉明侯並以四月二日授職

防禦使楊明琅福建晉江人癸未庶吉士

防禦使張元琳福建晉江人癸未庶吉士

鹽運使

長蘆鹽運使王孫蕙南直無錫人甲戌進士歷歸善

知縣調濟縣甲申行取禮部主事三月十六日應召
對孫蕙伏陛言君辱臣死之義繼以哭改授銓曹命
未下十九日城陷城中哭聲震沸孫蕙語家人毋恐
吾自有鎮心丸在命取竹一竿曳黃布一幅大書永
昌皇帝萬萬歲將燈懸門徧拉同籍往迎馬素修太
史不可走語趙玉森曰百行以孝為先君太公年高
圖畫錦足矣不為餘慮忍心為趙苞耶玉森領之出
遇張琦秦河與語意合二十日同謁偽政府宋企郊
各執手板陳姓名孫蕙袖中忽出一紙拱手加額曰

臣王孫蕙進表諸人出不意慮有觸忌殊恐宋閱表
微笑且點頭曰好文字衆乃哄服市如是日晨起復
過馬太史太史方沐浴更衣將就繚端坐正寢孫蕙
覲縷道新天子仰慕德意太史大怒咤曰此言何為
至于我孫蕙語猶未了乃命從者挽出之即日孫蕙
赴都督留飯二十六日選授長蘆先是顧茶黃繼祖
吳達俱選四川縣令是日奏祈張璠趙玉森亦授偽
令皆無錫人也宋金郊語孫蕙曰貴里同事七人公
何以至此孫蕙曰皆新天子不世之知老夫甄拔

之力宋曰非也主上以公表及周處常州詔堪作新
潮雙磬薄以一官相酬耳時選者止給偽印契孫蔥
獨加偽勅一道偽即高將軍送馬二疋牛丞相以下
皆解行時南人欲歸者慮道梗來附行孫蔥曰新天
子在上萬一耳目所及謂我私挾南人必嚴詰不便
皆固謝之二十九日發都門箚中錦袍夾去從馬太
史僕許姓強假以出儀仗中列致命督盛旗二面錦
緋乘輿張蓋鼓吹前導闌過

先帝后梓宮前見蒲伏而哭者萬輩孫蔥疎眉睜視一

臂而去不出與一揖也乘傳所過府以下送迎惟謹
至滄州土賊奪其馬去孫蕙令使持名刺遣討滄州
偽將官來驗察有偽印及勅而釋至天津有王運同
已先一日至守者以同時有運司兩疑之孫蕙脫左
膊示以印勅亦釋去行近德州未至十里而州城中
監大明中興旗號詢知為德州虜御史名世糾集義
師截殺偽官莫可行又聞吳平西吳且入復京師孫
蕙乃棄儀仗焚偽勅埋印磨滅行李盡運封識而行
又恐行李累重複棄之假作乞兒以歸

淮揚鹽運使魏天賞河南遂平人癸未廣吉士

府尹 府佐附

揚州府尹楊璣順天青縣人癸未進士

淮安府尹銷青縉河南人丁丑進士考選入京

雷州府尹熊世懿湖廣麻城人辛未進士原官河南

道御史

濟南府尹高井桂山西保定人舉人

順慶府尹張之奇江西新城人庠辰進士原官簡討

府尹黃國琦江西南昌人山東滋陽知縣行取入京

燕邸寶鈔云十九日賊攻前門黃國琦即令中官
散賊傳入琴絃進上上已率勁旅千騎將出閉
則門中官以砲擊自晤國琦以考選入京之官何
為至是且牀亦無琴絃白綾之傳城陷之頃上
早已決矣異聞奇說偽于至此不亦冤乎

府尹姜金胤山東掖縣人癸未進士官中書

成都有同知顧崇南直無錫人

成都有同知顧崇南直無錫人己未進士官考功
司郎中

四川同知傅振鐸

州牧 州佐附

北甌定州牧黃復南直武進人癸未副榜

州牧孫以敬南直太倉人丁丑進士官長垣知縣

傅學禹河南麻城人癸未廢吉士

李孝祥四川遠州人癸未廢吉士

羅憲汶江西南昌人癸未廢吉士

吳麓福建莆田人康熙特用官戶部郎中

劉肇國湖廣潛江人癸未廢吉士始削髮自匿長班

報名授職

高去香北直寧晉人丁丑進士官禮部主事

益州牧徐家麟浙江新縣人癸未進士齋偽印契出
却至山東義兵于擒偽官麟棄印而逃

孫一咏山東沂州人庚辰進士官官簡討

瓜州同知涂原四川梁山人癸未廢吉士

縣令

山東平泉縣令武大正 舉人門單云隨駕帷幃

之臣

四川蒼溪縣令吳爾埏浙江崇德人癸未歲吉士

四川中江縣令黃繼祖南直無錫人

四川巴縣令吳道南直無錫人庚午舉人

四川梓潼縣令張琦南直無錫人甲戌進士原官禮

部主事領印出都不一日遇賊劫印索千金為贖衆

乞還印賊磨印角知為銅擲還

四川內江縣令趙玉森南直無錫人庚辰進士官翰

林院簡討三月二十八日授偽職玉森為宋企郊舊

友因請曰玉森能知順逆乃以詞臣為下吏何為用

示來者金却曰非不欲為公周旋所託令親一事挽
回上意用力已竭耳王森求改山東近地金却許之
復營改京職未授

所云令親者秦沂也沂之妹王森之妻沂始觸罪
賴王森復全得授職

四川射洪令縣南直無錫人癸未進士官兵部職方
司主事秦沂李闖入城導從者多即縣降官沂跪迎
道側曰兵部職方司主事秦沂恭候聖駕闖不問復
高聲再陳軍馬之聲雜之闖終不問惟導從中同年

又見之二十日趙王森至王孫道寓涕泣自言受知
崇禎固深然國破家亡實自作之孽予將捐性命以
殉之理既不必將逃富貴以酬之情又不堪奈何孫
憲曰予今聞國之初吾輩須爭先者王森曰甚合我
意遂同詣報名進遇張璠拱手不言璠曰無棄故人
老身尚堪揚塵舞蹈因與俱焉適劉明翰茫然而來
拉而告之故明翰不從三人徑去不數步望見秦沂
已先行矣急呼璠語沂曰我決計已久慮無同志得
諸公共事官途不遠無幫手况趙姑夫又休戚相關

者乎握手大笑揚。而前既至孫蕙獨有所奏三人
愕然既又恨其不與同也張曰勿以小嫌而傷同氣
由是趙秦皆不言二十二日點名訖凡樂為用者皆
授新鎮河為購牙賍賄贖饒不忍盡遣舊寓因乘間
往取而偽令看新建官員即齊詣劉督府爾時獨不
見所賦疑其有不臣之志往擒之須臾所到叩頭數
百偽督將所兩吏所高聲大呼曰聖天子欲平定江
南正愛惜人才之際倘饒琳命願効死乃乃釋之罰
銀五百兩贖罪因示曰自今以後私至舊寓者罰二

十八日選授謝洪

四川資縣令王明順天生員四月朔偽府尹王則堯
考送吏政除官明考第七校授資令

四川宜賓縣令時敏南直常熟人丁丑進士原官兵
科給事中

安縣令湯有慶

四川縣令劉廷琮廣東從化人癸未廣吉士

縣令施鳳儀南直嘉定人丁丑進士

胡顯四川井研人癸未進士

王秉鑑陝西扶風人乙丑進士

傅鷺祥河南汝陽人官生戶部主事

王之鳳官生工部主事

趙之重山西樂平人甲子舉人原官工部主事

鄭逢蘭福建人甲子舉人

侯偉時湖廣公安人辛未進士原官吏部員外

楊雲鵬福建晉江人原官戶部郎中先被執尋釋錄

用

程兆科江西廣信人癸未進士官行人

鄒魁明江西建昌人丁卯舉人原官兵部員外

王顯北直曲周人丁丑進士官吏部主事

高辛隴陝西韓城人癸未進士

姚文熙南直桐城人癸未廩書士

成克聲北直大名人士癸未進士

高珩山東蒙陰人癸未廩書士

歸起先南直常熟人癸未進士官刑部主事

朱國壽南直人辛未進士官兵部員外

張慎學山西憂縣人丁丑進士官刑部主事

朱受祐南直懷遠人官生原任刑部郎中

黃昌胤湖廣沅江人順辰進士原官刑部主事

萬發科江西新喻人癸未歲吉士

張玄錫北直清苑人癸未歲吉士

白胤謙山西陽城人癸未歲吉士

史被明山西翼城人癸未進士官中書

卞希舜

韓士偉

俞忠賓

陸禹思

彙記

楊玄錫福建晉江人年十六舉孝廉十七歲登甲戌
進士原官吏部主事報名留用未授職回籍

周蘭河南人庚辰進士原官大理寺評事授偽政府
屬

吳道新南直桐城人保舉原官助教授偽政府屬

張元輔山西孝義人丁丑進士原官行人授偽學正

程玉成四川江津人癸未進士授偽教職

陸禹晉南直源陽人庚辰特用官戶部主事

曹欽程江西彭澤人己未進士

彭敦厯南直源陽人庚辰特用官戶部主事

汪惟楚南直和門人辛未進士原官給事中

南廷鑄陝西渭南人原官戶部郎中

鄭爾圻北直安肅人官生戶部郎中原官

李鍾秀山西蒲州人丁卯舉人官戶部郎中

王鳳林山西芮城人官生原官戶部員外

已上未詳職銜姑缺以俟叅攷

終